

Agpaeksamen para iti kanser ti dakkel a bagis babaen iti Cologuard® test

Ti Cologuard test ket **sakupen** ti Medicare ken dagiti kangrunaan a mangipapaay iti seguro.

\$0 Agbaybayad dagiti kaaduan a nakaseguro a pasiente iti **\$0** para iti Cologuard test^{1*}

96% Iti intero a nasion, nasursurok ngem **96%** dagiti pasiente ti Cologuard ti awanan iti gastos nga agtaud iti bukodda a bursa para iti panagpaeksamen^{1*}



Ammuen ti ad-adu pay iti [Cologuard.com/insurance](https://www.cologuard.com/insurance) wenko tumawag iti **1-844-870-8870**.

Matulongandaka a mangdamag kadagiti umiso a saludsod iti kompania ti segurom.

Kaaduan a mangipapaay iti seguro **ket sakupenda ti follow-up a colonoscopy** kalpasan ti positibo a panageksamen ti Cologuard.^{2,3†}




Video **no Kasano nga Usaren:**
[Cologuard.com/use](https://www.cologuard.com/use)

Nalaka nga usaren ti Cologuard test iti pagtaengan

Dagiti Naan-anay a Detalyado nga Instruksion ket adda iti Kahon ti Cologuard

1


AGTUGAW



- Usaren ti Cologuard test no nakasaganakan.
- Ikabilmo ti puraw a pagkargaam iti sampolmo iti kasilias.
- Agtugawka iti kasilias.

2


KAYASAN



- Agiblenka iti puraw a pagkargaan iti sampol.
- Kayasam ti iblenkmo (takki) babaen iti stick ken isublim iti tube manipud iti kit.

3


IYUPER KEN SELIOAN



- Punnuen ti pagkargaan iti sampol iti likido a preserbatibo.
- Iserram ti dakkel a pagkargaan nga adda iti unegna ti sampolmo.

4

MARKAAN KEN IPAW-IT



- Suratn ti agpada nga etiketa.
- Isubli daytoy a kit iti Exact Sciences babaen iti UPS®.



Isublim ti sampolmo a libre


1. Iyiskediul ti panagsukon ti UPS iti [Cologuard.com/UPS](https://www.cologuard.com/UPS) wenko tawagan ti **1-844-870-8870**
2. Ipanmo ti kit-mo iti UPS. Agsapul kadagiti lokal a tienda ken oras ti panagitulod iti [Cologuard.com/UPS](https://www.cologuard.com/UPS)

*Nabiit pay a patta-patta ti Exact Sciences a naibatay iti pakasaritaan ti panagsingir iti pasiente.

†Para iti kaaduan a pasiente, daytoy ket epektibo inton Enero 1, 2023, ken saan nga agaplikar kadagiti komersial a plano nga addaan iti mailaksid a kasasaad.^{2,3}

Dagiti resulta ti panageksamenmo iti Cologuard®

Rumbeng a sidadaanen iti mangipapaay kenka iti pannaripato iti salun-at dagiti resultam iti agarup 8-10 nga aldaw kalpasan a maawat ti Exact Sciences ti sampolmo.



Ti Cologuard test ket agsapul iti nabaliwan a DNA ken dara (dagiti seniales ti kanser) iti iblengmo⁴

— Ti kaipapanan ti negatibo a resulta ket saan a nakasarak ti Cologuard test kadagiti posible a seniales ti kanser. Nalabit ket awananka iti kanser iti dakkel a bagis.⁴

+ Ti kaipapanan ti positibo a resulta ket nakasarak ti Cologuard test kadagiti posible a seniales ti kanser. Ti positibo a resulta ket saanna a kayat a sawen nga addaanka iti kanser.⁴ Mangiskediulka iti follow-up nga appointment iti mangipapaay kenka iiti pannaripato iti salun-at.

Dagiti dadduma a tattao ket makagun-odda iti falso (saan a husto) a positibo ken negatibo a resulta. Kanayon a damagem iti mangipapaay kenka iti pannaripato iti salun-at ti maipapan kadagiti sumaruno nga addang para iti screening.⁴

Sapulen ti ad-adu pay nga impormasion ken video iti:
[Cologuard.com/UnderstandingResults](https://cologuard.com/UnderstandingResults)

Dagiti Pakausaran ken Napateg nga Impormasion ti Risgo

Dagiti Cologuard® ken Cologuard Plus® a panageksamen ket nairanta a mangeksamen kadagiti nataengan nga agtawen iti 45 agpangato nga addaan iti promedio a peggad iti kanser iti dakkel a bagis babaen iti panangduktal kadagiti partikular a DNA marker ken dara iti ibleng. Dika agus-usar kadagiti produkto ti Cologuard no addaanka iti personal a pakasaritaan iti kanser ti dakkel a bagis wenno kadagiti pakauna a makakanser a kulani, addaanka iti sakit a panagletteg ti bagis, pakasaritaan ti pamilia iti kanser ti dakkel a bagis, wenno sumagmamano a natawid a sindrom, wenno positibo a resulta manipud iti sabali a wagas ti panageksamen iti kanser ti dakkel a bagis iti uneg ti mairekomenda a baet ti eksamen iti daya a panagsukimat. Kasaritam ti tagaipaaymo iti taripato iti salun-at no agaplikar kenka ti aniaman kadagitoy a kasasaad.

Rumbeng a maipatarus a siaannad dagiti resulta ti Cologuard. Ti positibo a resulta ti panageksamen ket saan a mangpasingked iti kaadda ti kanser. Dagiti pasiente nga addaan iti positibo a resulta ti panageksamen ket rumbeng a mai-refer para iti colonoscopy. Ti negatibo a resulta ti panageksamen ket dina pasingkedan ti kaawan ti kanser. Rumbeng a dagiti pasiente nga addaan iti negatibo a resulta ti eksamen ket pagsaritaanda iti doktorda no kasapulanda ti agpaeksamen manen. Mabalina a mapasamak dagiti falso a positibo ken falso a negatibo a resulta. Rx Only.

Dagiti Reperensia: 1. Internal Data on File. Exact Sciences. 2. FAQs about Affordable Care Act Implementation Part 51, Families First Coronavirus Response Act and Coronavirus Aid, Relief, and Economic Security Act Implementation. US Department of Health & Human Services. Published January 10, 2022. Accessed March 30, 2026. <https://www.hhs.gov/guidance/document/faqs-about-affordable-care-act-implementation-part-51>. 3. CMS. Calendar year (CY) 2023 Medicare physician fee schedule final rule. Published November 1, 2022. Accessed March 30, 2026. <https://www.cms.gov/newsroom/fact-sheets/calendar-year-cy-2023-medicare-physician-fee-schedule-final-rule>. 4. Exact Sciences. 2026. Cologuard Patient Brochure.